

БАТЛАВ.
БОЛОВСРОЛЫН ЕРӨНХИЙ ГАЗРЫН
ДАРГА Т.НЯМ-ОЧИР

**“АМЬДРАЛЫН МОД” ХӨТӨЛБӨР ХЭРЭГЖҮҮЛЭХ ЯВЦАД
ХҮҮХДИЙН ХӨГЖЛИЙГ ДЭМЖИХ ТӨСЛИЙН
АЖЛЫН ДААЛГАВАР**

Зорилго: Сонгогдсон аймаг, дүүргийн сургуулийн өмнөх боловсролын байгууллагын хүүхдийн хөгжлийг дэмжихэд “Амьдралын мод” сургалтын модуль, хэрэглэгдэхүүнийг ашиглан сургалт, үйл ажиллагааг зохион байгуулж, сургалтын хөтөлбөрийг хэрэгжүүлэхэд дэмжлэг үзүүлнэ.

Хамрах хүрээ: Сонгогдсон аймаг, нийслэлийн нийт 85 цэцэрлэг хамрагдана. Үүнд:

- ✓ Нийслэлийн Хан-Уул дүүргийн сонгогдсон 37 цэцэрлэг
- ✓ Орхон аймгийн сонгогдсон 30 цэцэрлэг
- ✓ Хөвсгөл аймгийн сонгогдсон 18 цэцэрлэг

Хугацаа: Гэрээ байгуулснаас хойш хуанлийн 60 хоног байна.

Зохион байгуулалт:

- ✓ Сонгогдсон аймгийн Боловсрол, шинжлэх ухааны газар, дүүргийн Боловсролын хэлтэс, цэцэрлэгийн удирдлагуудад зөвлөмж, чиглэл хүргүүлнэ.
- ✓ Цэцэрлэгийн эрхлэгч, арга зүйч, багш нарт сургалтын хэрэглэгдэхүүнийг хэрхэн ашиглах талаар арга зүйн дэмжлэг үзүүлэх сургалт, зөвлөн туслах үйл ажиллагааг зохион байгуулна.
- ✓ Сонгогдсон цэцэрлэгүүдэд хэрэглэгдэхүүн (сургалт, үйл ажиллагааны төлөвлөлт, зурагт үзүүлэн, тараах материал, дуу, дасгалын видео)-ийг илгээнэ.
- ✓ Цэцэрлэг бүрийн хэрэгжүүлж буй байдалтай танилцаж, зөвлөн тусална.
- ✓ Сонгогдсон цэцэрлэгүүдийн эцэг эх, асран хамгаалагчдад багштай хэрхэн хамтран ажиллах талаар ойлголт өгөх сургалтыг зохион байгуулна.
- ✓ Хэрэгжүүлсний дараах үр дүнг тооцох ба тайлагнана.

Хүрэх үр дүн:

- ✓ Сургуулийн өмнөх боловсролын сургалтын хөтөлбөрийг хэрэгжүүлэхэд дэмжлэг үзүүлэхэд шинэлэг арга зүйг багтаасан модулийг сургалт, үйл ажиллагаандаа ашиглан зохион байгуулна.
- ✓ Хүүхдэд эерэг хандлагыг төлөвшүүлж, нийгэмшихүй, сэтгэлзүйн хөгжил бүрэн хангагдахуйц сургалтын үйл ажиллагааны зохион байгуулалтын аргад суралцсан байна.
- ✓ Хүүхдийн суралцах идэвх, оролцоо нэмэгдэнэ.
- ✓ Багш хүүхдэд эерэг хандлагыг төлөвшүүлэхэд чиглэсэн шинэлэг аргачлалыг эзэмшсэн байна.
- ✓ Эцэг эх, асран хамгаалагчийн оролцоо сайжирна.

1. Үйл ажиллагаа:

Нэг. Сургалтын хөтөлбөрийн хэрэгжилтэд дэмжлэг үзүүлэх үйлчилгээ

1. Гүйцэтгэгч нь сургалтын хөтөлбөрийн хэрэгжилтэд дэмжлэг үзүүлэхэд чиглэсэн шинэлэг менежментийн арга зүй, аргачлалыг хамгийн багадаа 5 модулийн хүрээнд боловсруулж ирүүлэх
2. Гүйцэтгэгч нь Боловсрол, соёл, шинжлэх ухаан, спортын сайдын "Хөтөлбөр батлах тухай" А/494 дүгээр тушаалтай уялдаа хамаарал бүхий шаардлага хангахуйц сургалтын хэрэглэгдэхүүнийг 8 модулийн хүрээнд нийлүүлэх
3. Сургалт, үйл ажиллагааны төлөвлөлтийг багадаа 5 сургалтын чиглэлийн хүрээнд боловсруулах ба 5 модулийн төлөвлөлтийг ирүүлэх
4. Дээр заагдсан менежментийн арга зүй, аргачлал, сургалт, үйл ажиллагааны төлөвлөлт, хэрэглэгдэхүүнийг файлаар нийлүүлэх

Хоёр. Сургалт зохион байгуулах үйлчилгээ

1. Гүйцэтгэгч нь өөрийн санал болгож буй сургалтын хөтөлбөрийг хэрэгжүүлэх арга зүйн сургалтыг аймаг, дүүрэг бүрийн удирдах ажилтан, багш нарт 2-оос доошгүй удаа зохион байгуулах ба удирдамж, хөтөлбөрийг боловсруулан ирүүлэх
2. Гүйцэтгэгч нь сонгогдсон аймаг, дүүргийн цэцэрлэгийн удирдах ажилтан, багш нарын төлөөллийг шинэлэг хөтөлбөр хэрэгжүүлж буй түшиц цэцэрлэгийн сургалт, үйл ажиллагаатай танилцуулж, туршлага солилцох ажлыг хамгийн багадаа нэг удаа зохион байгуулах ба удирдамж, хөтөлбөрийг боловсруулан ирүүлэх
3. Гүйцэтгэгч нь цэцэрлэгийн эцэг эх, асран хамгаалагчдад зориулсан багш, хүүхэдтэй хэрхэн хамтран ажиллах талаар аргачлалыг танилцуулах сургалтыг сонгогдсон аймаг, дүүрэг тус бүрд хамгийн багадаа 2 удаа зохион байгуулах ба удирдамж, хөтөлбөрийг боловсруулан ирүүлэх

Гурав. Сургалтын хэрэглэгдэхүүн, түүнийг бэлтгэх тоног төхөөрөмжийн шаардлага

1. Гүйцэтгэгч нь захиалагчийн баталсан төрийн өмчийн бүх цэцэрлэгүүдэд сургалтын хэрэглэгдэхүүнийг нийлүүлэх боломжтой байх ба дараах тоног төхөөрөмж, техник хэрэгслийг хангах. Үүнд:
 - а. Суурин компьютер хамгийн багадаа 2 ширхэг байх
 - б. Зөөврийн компьютер хамгийн багадаа 3 ширхэг байх
2. Дуу, видео бэлтгэхдээ мэргэжлийн байгууллагатай хамтран ажилладаг байх ба гэрээний хуулбарыг ирүүлэх
3. Санал болгож буй сургалтын хөтөлбөрийг хэрэгжүүлэх баг нь 2021, 2022, 2023 онуудын аль нэгэнд нь ижил төстэй төсөл хөтөлбөр хэрэгжүүлсэн туршлагатай байх

Дөрөв. Хүний нөөцөд тавигдах шаардлага

1. Санал болгож буй сургалтын хөтөлбөрийг хэрэгжүүлэх баг нь 9 ба түүнээс дээш гишүүдээс бүрдсэн байх
2. Төслийн удирдагч нь сургуулийн өмнөх боловсролын байгууллагад хэрэгжиж байсан төслийн ахлагчаар сүүлийн 3 жилийн аль нэг жилд ажилласан туршлагатай байх ба тухайн байгууллагын үндсэн ажилтан байх, ажиллаж байсан төслийн мэдээллийн нотлох баримт, материалыг ирүүлэх
3. Төсөл хэрэгжүүлэх багийг удирдаж ажиллах багийн ахлах нь БШУ-ы сайдын 2022 оны 05 дугаар сарын 09-ний өдрийн "Мэргэжлийн чиглэл /хөтөлбөрийн нэр/ индекс шинэчлэн батлах тухай" А/160 дугаар тушаалын дагуу "багш, сургуулийн өмнөх боловсрол" нарийвчилсан чиглэлийн 011201 гэсэн индекстэй бакалаврын болон магистрын дипломтой байх

4. Хамгийн багадаа 5 гишүүн нь БШУ-ы сайдын 2022 оны 05 дугаар сарын 09-ний өдрийн "Мэргэжлийн чиглэл /хөтөлбөрийн нэр/ индекс шинэчлэн батлах тухай" А/160 дугаар тушаалын дагуу "багш, сургуулийн өмнөх боловсрол" нарийвчилсан чиглэлийн 011201 гэсэн индекстэй бакалаврын дипломтой байх
5. Санал болгож буй сургалтын хөтөлбөрийг хэрэгжүүлэх багийн гишүүдийн товч CV/мэдээллийг ирүүлэх

---o0o---